

ad ætatem nostram stylum deduxit, aliquot huius temporis adiiciam.

RECENTIORA.

ALIUD.

Obsidente Brixiam Heinrico septimo, in Galliis solis ac lunæ simul eclypsim, & minacem insueti syderis faciem visam, lunæ quoque tergeminae speciem, species varias, & arculos etiam cœlo sparsos, crucis imaginem continentes, & in Italia deflagrantes poli partes, ac sine ullis fulguribus aut nubibus, & (vt dici solet) ignaro Ioue horrendum cecinisse aiunt, nos enim, & si iam in lucem editi, nullam tamen eius temporis certam memoriam habemus: Super hæc, in finibus Patavorum equam nouem pedibus editam, per rura Galliæ Cisalpinæ insuetas volucrum formas apparuisse, pluma, vt ferunt cineritia, sanguineis maculis, cristato vertice, nec alias ea specie in his regionibus memoria hominum vnquam visas, nisi temporibus Federici Principis, maiores natu affirmabant.

ALIUD.

Per idem tempus, Mediolani intra Mapphei Vicecomitis vestibulum, conspectum memorant, non mediocre prodigium